



**Ni Presidente
Dieter F. Uchtdorf**
Maikadua a Mammagbaga iti
Umuna a Panguluen

Dagiti Bendision iti Templo

Malagipko pay laeng idi intugot dagiti nagannak kaniak ti pamiliami iti kaipatpatakder a Templo ti Swiss, ti kaunaan iti Europa, tapno agbalin nga agnanayon a pamilia. Agtawenak idi iti 16 ken ti kaubingan iti uppat nga annak. Nagparintumengkami a sangkamaysa iti altar tapno mailantip iti daga babaen ti bileg ti priesthood, nga addaan nakakaskasdaaw a kari a mabalinmi ti mailantip para iti kinaagnanayon. Diakto pulos malipatan daytoy nakaskasdaaw a kanito.

Kas ubing a lalaki naawis bassit ti riknak gapu ta bim-malasiwkami iti nagbedngan ti pagilian tapno mailantip a kas maysa a pamilia. Para kaniak isimbolo daytoy ti wagas a pakapagballasiwan ti aramid iti templo kadagiti beddeng ti lubong tapno maidanon dagiti agnanayon a bendision kadagiti amin nga agindeg iti daga. Dagiti templo ti Ti Simbaan ni Jesucristo dagiti Santo iti Ud-udina nga Aldaw ket pudno a nabangon para iti pagsayaatan ti amin a lubong, ania man iti nasionalidad, kultura, wenno posision iti pulitika.

Dagiti templo ket napakumbaba a saksi a ti kinaim-bag ti mangrimbaw. Ni Presidente George Q. Cannon (1827–1901), Umuna a Mammagbaga iti Umuna a Panguluen, naminsan a kinunana, “Tunggal pamuon a bato a naipan iti maysa a Templo, ken tunggal

Templo a naileppas . . . ket mangkissay iti bileg ni Satanas iti daga, ken mangnayon iti bileg ti Dios ken Kinadiosan.”¹

Bayat ti inanayon ti impluensia ti kinalinteg iti daga ti tunggal templo, ti kaindaklan a bendision, siyem-pre, ket sumangbay kadagiti pudno a dumardar-ay iti templo. Sadiay maawattayo ti nayon a lawag ken pannakaammo ken agaramid kadagiti napasnek a katulagan a, no matungpal, tumulong kadatayo a magna iti dalan iti kinadisipulo. Iti ababa a panna, ti templo ket mangisuro kadatayo maipanggep iti sagrado a panggep ti biag ken tulongannatayo a makasarak kadagiti nain-dagaan ken naespirituan a turongen.

Nupay kasta, saantayo a dumar-ay iti templo para iti bagbagitayo laeng. Tunggal kanito a sumrektayo kadagitoy sagrado a pasdek, addaantayo iti napateg nga akem iti nasagraduan, pangsubbot nga aramid ti pannakaisalakan a sidadaan a magun-od ti amin nga annak ti Dios a kas bunga ti Pannubbot ti Bugbugtong nga Anak ti Ama. Daytoy ket saan a managimbubukod ken sagrado a panagserbi ken mangpalugod kadatayo kas mortal a makiraman iti nagloriaan nga aramid ti panagbalin a mangisalaklan iti Bantay Sion.

Para kadagiti saan a makadar-ay iti templo ita iti ania

man a gapu, allukoyenkayo nga aramideno ti amin a kabaelanyo a mangikut weno maaddaan iti agdama a rekomenda ti templo. Ti rekomenda ti templo ket maysa a simbolo iti kinapudno ken kinapasnektayo nga agserbi iti Apo. Simbolo daytoy ti panagayattayo iti Apo, a kas iti insuro ni Jesus, “Ti addaan kadagiti bilbilinko ket tungpalenna, ida isu dayta ti agayat kaniak, ket ti agayat kaniak, ayatento ni Amak, ken isu ayatekto, ket apparangakto kenkuana” (Juan 14:21).

Bayat ti agtultuloy a panagbalin a napintas ti lubong gapu kadagitoy sagrado a pasdek a naidaton iti Apo, ikararagko nga aramidentayo koma ti pasettayo a mangyas-asideg iti langit iti daga babaen iti panagbalin a maikari nga agikut iti rekomenda ti templo ken panangusar iti daytoy. Bayat ti panangaramidntayo iti daytoy, awan duadua nga umad-adunto ti kinalinteg saan laeng iti panagbiagtayo ken kadagiti pagtaengantayo no di ketdi pay kadagiti komunidadtayo ken iti intero a lubong.

NAGADAWAN

1. George Q. Cannon, iti “The Logan Temple,” *Millennial Star*, Nob. 12, 1877, 743.

PANANGISURO MANIPUD ITI DAYTOY A MENSAHE

Kaaduanna a tattao ti ad-adda a makasursuro ken makalagip a napapaut no idatagyo dagiti kapanunotan a mangaramat kadagiti visual aids ngem iti panangisarita laeng (kitaen iti *Teaching, No Greater Call* [1999], 182). Bayat ti panagadal, ibilang ti panangipakita iti ladawan ti templo. Kalpasan ti panangbasa iti artikulo, ilawlawag no apay a napateg ti templo ken ni Presidente Uchtdorf. Awisen dagiti in-inaudi nga ubbing iti pamilia a mangidrowing iti maysa a ladawan ti pamiliada iti templo.

Ibaga ti *Teaching, No Greater Call*, “Allukoyenyog dagiti sursuruanyo a mangilatang iti maysa weno ad-adu pay a panggep a tun-oyen a makatulong kadakuada a mangtungpal iti pagbatayan nga insuroyo” (159). Ibilang a basaen ti mensahe ni Presidente Uchtdorf iti pamilia ken mangawis kadagiti miembro ti pamilia nga isuratda ti bukodda a panggep a tun-oyen a mangtunglong kadakuada nga agtalinaed a maikari nga agikut ken mangusar iti rekomenda ti templo.

AGTUTUBO

Maysa a Buya manipud iti Nangatngato a Disso

Ni Mindy Raye Holmes

Kas maysa nga agtutubo naaddaanak iti adu a gundaway tapno mangannong kadagiti panagbuniag para kadagiti pimmusayen iti Templo ti San Diego California. Nupay naaddaanak a kanayon iti napintas a padas, maysa kadagiti panagbiahemi ti naipangpangruna iti panunotko.

Agtawenak idi ti 16, ken kalkalpas laeng a nag-12 ti tawen ti adingko a babai ket ar-aramidenna ti umuna a panagbiahena tapno mangannong kadagiti panagbuniag kadagiti pimmusay. Gapu ta agdadamo isuna, inkeddengmi nga ipasiar isuna iti aglawlaw ti templo kalpasan a malpasmi ti panagbuniag.

Addaan ti disso ti templo kadagiti sumagmamano a pagtan-awan iti maysa a bangir isu a napankami sadiay. Gapu ta naipatakder ti Templo ti San Diego a kasaruno iti adu a luglugan a kalsada, a no agtakderka iti pagtan-awan, makitam a talaga ti nalawa a kalsada.

Iti panagtakder iti nangatngato a disso ti templo iti dayta nga aldaw, nangted kaniak iti baro a pannirigan ti biag. Kumitkitaak iti lubong nga addaan iti napapardas a luglugan, adu a tao a sentro ti pagtagilakuan, ken naabbongan iti graffiti a karatula a kalsada.

Iti dayta ngarud a kanito nga immabay ti kapanunotan iti isipko. “Dimo kayat ti agbalin a paset dayta; saan a dayta ti no ania ti maipapan iti biag.” Kanayon a nasuruanak a ti panggep ti biag ket tapno makasubli a makipagnaed iti Nailangitan nga Amatayo ken agbalin a kas Kenkuana. Ammok a diak kasapulan dagiti banag ti lubong tapno maipatungpal dayta a panggep.

Timmaliawak ket kinitak ti napintas a templo, ket nagyamanak iti pannakaammok iti ebanghelio ken ti pannirigan nga inted daytoy kaniak. Ammok nga iti baet dagiti nakiro ken saan a mapagtalkan a lubong, nakasapulak iti nangatngato a disso a pagtakderan.

Iti dayta nga aldaw iti templo nagkariak iti Nailangitan nga Ama a kanayonakto nga agtakder iti abayna ket saan a kadagiti banag iti lubong. Ania man a banag nga ibato ti lubong kadayo, marimbawan-tayo daytoy babaen ti panagtungpal kadagiti katulagan

nga inaramidtayo ken babaen iti panagtakder kadagiti nasantuan a lugar (kitaen iti DkK 87:8).

ANNAK

Panamagbalin iti Lubong a Napimpintas

Kinuna ni Presidente Uchtdorf a no maysa a templo ti mabagon, nayonanna ti bileg ti Dios iti daga ken mangpabalina iti lubong a napimpintas a lugar. Koloran ti ladawan iti baba. Dagiti sumaganad ket sumagmamano kadagiti napimpintas a bendision nga ited ti templo kadagiti tao. No agbiagkayo a

maikari a mapan iti templo iti masungad nga aldaw, mabalin a matagikuayo ti tunggal maysa kadagitoy a bendision!

Maysa a lugar ti ayat ken kinangayed

Panagbuniag kadagiti tao a saan a nabuniagan idi sibibiagda pay

Maysa a kallaysa a mabalin nga agpaut iti agnanayon

Dagiti annak a mailantip kadagiti nagannak iti agnanayon

Maysa a lugar a pakasursuruan maipapan iti Nailangitan nga Ama ken ni Jesucristo

Maysa a maikari, managtungpal a biag



Pammati • Pamilia • Serbisio

Mangpadur-as iti Pammati ken Bukod a Kinalinteg

Adalenyoy daytoy a material, ken no mayannatup ilawlawagyo daytoy kadagiti kakabsat a babbai a sarungkaranyo. Usarenyo dagiti saludsod a mangtulolong kadakayo a mangpapigsa kadagiti kakabsatyo a babbai ken mangaramid iti Relief Society nga aktibo a paset iti bukodyo a biag.

Manipud kadagiti Nasantuan

a Kasuratan: Isaias 2:2-3;
DkK 109:22-23; 110:8-10

Ti Pagrebbengantayo nga Agbalin a Maikari iti Panagdaydayaw iti Templo

"Dagiti katulagan nga aramidentayo a karagpin dagiti ordinansa a maawattayo iti templo ket agbalin a kredensialtayo tapno maawattayo iti sidong ti Dios. Ital-onatayo dagitoy a katulagan iti labes dagiti pagpatinggaan ti bukodtayo a bileg ken pannirigan. Agaramidtayo kadagiti katulagan tapno ipakitatayo ti kinapasnek-tayo a mangbangon iti pagarian. Agbalintayo a tattao iti katulagan bayat ti pannakitulagtayo iti Dios. Kukuatayo amin a naikari a bendision babaen ti kinapudnotayo kadagitoy a katulagan. . . .

"Ania ti mabalin nga aramiden dagiti babbai ti Simbaan tapno mata-gikuada dagiti bendision ti templo?"

"Babaen dagiti propetana, awisen ti Apo dagiti saan pay a nakaawat kadagitoy a bendision ti templo nga aramidenda aniaman ti mabalin a kasapulan tapno maikarida nga umawat kadagitoy. Awisenna dagiti nakaawaten kadagitoy a bendision nga agsubli a masansan agingga a mabalin tapno agrag-oda manen iti padas, tapno manayonan ti

pannirigan ken pannakaawatda kadagiti agnanayon a planona.

"Agbalintayo koma a maikari a maaddaan iti agdama a rekomenda ti templo. Mapantayo iti templo tapno ilantip dagiti pamiliatayo iti agnanayon. Agsublitayo koma iti templo a masansan no ipalubos dagiti pasamak. Mangtedtayo koma kadagiti natay a kakabagiantayo iti gundaway a makaawat kadagiti ordinansa ti pannakaital-o. Agrag-otayo iti naespirituan a pigsas ken iti paltiing nga awatentayo bayat ti idadar-aytayo a kanayon iti templo. Agbalintayo koma a napudno ken agaramid ken agtungpal kadagiti katulagan tapno maawattayo ti sibubukel a bendision ti Pannubbot."¹

Silvia H. Allred, umuna a mammagbaga iti sapasap a panguluen ti Relief Society.

Manipud iti Pakasaritaantayo

Ni Presidente Gordon B. Hinckley (1910-2008) insurona a dimmur-as ti Relief Society gapu ti tarigagay dagiti kakabsat a babbai nga agdaydayaw kadagiti templo:

"Bayat ti pannakaipatakder ti Templo ti Kirtland naawagan dagiti babbai tapno manggiling wenno mangpapino kadagiti por-selana a mailaok kadagiti plaster a mausar kadagiti diding ti templo, a pakausaran ti lawag ti init ken bulan ken manganninaw dayta a lawag a

mangpapintas ti langa ti pasdek.

"Kadagita a panawen, idi adda bassit laeng a kuarta ngem adda aglapusanan a pammati, inted dagiti agtartrabaho ti pigsada ken pamataudan para iti pannakabangon ti balay ti Apo. Inyegan ida dagiti babbai iti taraon, ti kasayaatan a taraon a maisaganada. Ni Edward W Tullidge imbagana a bayat ti panagdait dagiti babbai kadagiti belo ti templo, ni Joseph Smith a mangpalpaliw kada-kuada, kinunana, 'Nasayaat, kakabsat a babbai, addakayo a kanayon a sidadaan. Kanayon nga umun-una ken kangrunaan dagiti kakabsat a babbai iti amin a nasayaat nga aramid. Ni Maria ti immuna iti panagun-ang; ken dagiti kakabsat a babbai ita ti immun-una a nagtrabaho iti uneg ti templo.' . . .

"Manen iti Nauvoo, idi agdama a maipatpatakder ti templo, sumagmamano a babbai ti sangkamaysa a timmipon tapno agaramid kadagiti aruaten para kadagiti agtartrabaho. Kadagitoy a pasamak a duapulo kadakuada ti naguummong iti Huebes, maika-17 ti Marso 1842, iti akinngato a siled iti tiendaan ti Propeta.² Daytoy ti nangrugian ti Relief Society.

DAGITI NAGADAWAN

1. Silvia H. Allred, "Holy Temples, Sacred Covenants," *Liahona*, Nob. 2008, 113, 114.
2. Gordon B. Hinckley, "Ambitious to Do Good," *Ensign*, Mar. 1992, 2.

***Ania ti Mabalintayo
nga Aramiden?***

1. Ania a suporta ti maipaayko tapno matulongak dagiti kabsatko a babbai nga agsagana ken dumar-ay iti templo?

2. Kasano a maipagwadak ti tawid dagiti nagkauna a kakabsat a babbai a nagsakripisio nga umawat kadagiti bendision ti templo?

3. Kasano a matagikuak dagiti bendision ti templo?

Para iti mainayon nga impormasion mapan iti www.reliefsociety.lds.org.